

net, Rom. 14. Hoc caput cur improbari potuerit, nulla ratio est, siquam ex Dei verbo quærimus, unde peti debet. 4 Nullum inter Christianos esse restareve Pascha quod sit peragendum & celebrandum. Quam suam sententiam autoritate Pauli confirmant, 1. Corinth. 5. 7. Ait enim Paulus, Pascha nostrum immolatum est, Christus. Ergo non restat sacrificandum. Quod si obseruetur Pascha iterum, & ad legales ceremonias reuoluimur, & Christum in carne aduenisse negemus necesse est, simulque, ut ait Ioânes, Antichristi. Quare nec hæc ipsa Arianorum sententia damnari debuit, quia vera est, & manifestissimè inter Cœnam Domini & Pascha distinguendum esse docet. Quæ de inducta carniû abstinentia, & coniugiis ab iisdem improbatis, de Arianorum approbatione, episcopi addunt, reponuntque inter Arianæ hereseos hypotheses, si vera sunt, certè errarunt Ariani: sin minus (& mihi quidem ex hac ipsa Augustini oratione & titubatione, qui totum hoc dubium esse scribit, prorsus in eos calumniæ causa commentitia & conficta videntur) ex hæreticorû numero Arianos eximemus: & inter schismaticos potius habebimus, si bene constitutum Ecclesiæ ordinem temerè perturbare sunt conati. Quod tamen ab iis factum fuisse hætenus non apparet. Quare hos inter hæreticos minimè notauimus.

3 *Non potest ordinari.*) Alibi Ordinare, alibi Ordinari. vtrunque constare potest.

CAPVT LIIII.

Actiani & Eunomiani, cur sic dicti. Erroris autem eorum capita duo referuntur.

Actiani